

Ф4.03-05

«М. Әуезов атындағы Оңтүстік Қазақстан университеті» КЕ АҚ

**«СЫБАЙЛАС ЖЕМҚОРЛЫҚ КӨРІНІСТЕРІНЕ
НӨЛДІК ТӨЗІМДІЛІК»**

**тақырыбындағы апталықтың
хаттамасы (2 - күн)**

«12» қараша 2024 ж.

Сағат 09:00

Әскери кафедра ғимараты

Қатысқандар: Сыбайлас жемқорлыққа қарсы комплаенс-қызмет жетекшісі Г.Дулатова, Әскери кафедраның басшылық құрамы, оқытушылары және 235 ЗЛ, 236 ЗЛ, 730 ЗЛ, 640 ЗЛ, 641 ЗЛ, 106 ЗС, 304 ЗС, 305 ЗС, 306 ЗС, 401 ЗС, 601 ЗС, 701 ЗС, (жалпы саны 12 взвод) взводтарының 204 білім алушысы.

КҮН ТӘРТІБІ:

1. Әскери кафедра білім алушыларын сыбайлас жемқорлыққа қарсы заңнама мен ішкі актілер нормаларын түсіндіру, кері байланыс арналарын хабарлау, тыйымдар мен шектеулерді, жауаптылықты ескерту.

Сөз алды: Сыбайлас жемқорлыққа қарсы комплаенс-қызмет жетекшісі Г.Дулатова.

Университеттің Әскери кафедрасы мен сыбайлас жемқорлыққа қарсы комплаенс-қызмет жоспарына сәйкес ұйымдастырылған «Сыбайлас жемқорлық көріністеріне нөлдік төзімділік» апталығының маңызына тоқталды.





Апталық қатысушыларына ағымдағы жылдың 11-15 қарашасы аралығына өтетін апталықтың мақсатын хабарлап, іс-шара сыбайлас жемқорлық көріністеріне нөлдік төзімділікті қалыптастыруға, құқықтық сауаттылықты арттыруға, патриоттық тәрбиені дәріптеуге, парасаттылық және корпоративтік этика құндылықтарын насихаттауға бағытталғанын баяндады.

Сыбайлас жемқорлық құқық бұзушылықтарымен байланысты әкімшілік, қылмыстық жауаптылық түрлерін ҚР Конституциясы, ҚР «Сыбайлас жемқорлыққа қарсы іс-қимыл туралы» Заңы, ҚР «Әкімшілік құқық бұзушылық туралы» кодексі, ҚР «Әкімшілік рәсімдік-процестік» кодексі және т.б нормативтік-құқықтық актілер мен заңға тәуелді актілер нормаларына сілтеме жасай отырып, ақпараттандырды.



Сыбайлас жемқорлық құқық бұзушылықтары үшін әкімшілік жауапкершілікті, жазаның бұлтартпастығы қағидатын түсіндіріп, заңсыз сыйақы алу, беру және жинау фактілерінің, заңсыз қызметтер көрсету, жеңілдіктер ұсыну сияқты әрекеттердің қылмыстық жазалау қатерін туындататынын айтты.

Сыбайлас жемқорлық құқық бұзушылықтары туралы құқықтық сана мен мәдениеттің аражігін ажыратып, оған ерекше мән беруге шақырды.

Тәртіп пен білімнің, ғылым мен мәдениеттің ортасына айналған білім беру ұйымында оның әрбір мүшесінің заң нормаларын білуі, сақтауы және оғаны сөзсіз бағынуы корпоративтік мәдениетті арттыруға септігін тигізетінін түсіндірді.

Сондықтан жаңа апталық аясында білім алушыларды жинап, алдын алу мақсатында сыбайлас жемқорлыққа қарсы заңнама нормаларын түсіндіріп, хабарлау арналарын таныстырып, профилактикалық іс-шаралар өткізіліп отырғанын айтты.

Мемлекеттің сыбайлас жемқорлыққа қарсы саясатын жүйелі үйлестіру мақсатында Сыбайлас жемқорлыққа қарсы комплаенс-қызметі құрылғанын, комплаенс-қызметтің мақсаты мен міндетін, жұмыс бағыттарымен таныстырды.

Білім алушыларға М.Әуезов атындағы ОҚУ қызметкерлері мен білім алушыларына арналған ішкі тәртіп ережелері мен басқа да құжаттарды бекітіп, аталған ішкі актілермен жұмыс жасайтыны баяндалды.



Атап айтқанда, М.Әуезов атындағы ОҚУ Сыбайлас жемқорлыққа қарсы стандарты нормаларын түсіндіріп, Стандартта қызметкерлер мен білім алушылар үшін шектеулер, тыйымдар мен рұқсаттар жүйесі, құқық бұзушылықтан сақтандыратын ұсынымдар жүйесі бекітілгенін хабарлады.

М.Әуезов атындағы ОҚУ Әдеп кодексінде жұмыскерлер мен білім алушылардың қарым-қатынасы барысында басшылыққа алатын мінез-құлық стандарттары мен жүріс-тұрыс ережелері бекітілгенін мәлімдеді.

М.Әуезов атындағы ОҚУ Академиялық адалдық қағидаларында аудиториялық сабақтан бастап, жалпы білім беру процесіне қойылатын адалдық талаптары көрсетіліп, академиялық адалдықты бұзғаны үшін жауапкершілік түрлері қарастырылғанын айтты.

Сонымен қатар, «Сенім телефоны», «Ректор блогы», «14-24» өзге де кері байланыс арналарына хабарлама беру негіздері, университеттің Әдеп жөніндегі уәкілі мен Сыбайлас жемқорлыққа қарсы комплаенс-қызметке жүгіну мүмкіндігін баяндады.

Әлеуметтік желі парақшаларындағы аккаунттарды хабарлап, бұл арналар арқылы да кері байланыс орнатуға болатынын түсіндірді.

Қосымша сыбайлас жемқорлық құқық бұзушылықтары туралы хабарлау арналары, **14-24** call-орталығы туралы үлестірілім материалдары дайындалып, білім алушылармен белсенді таратылатынын, университеттің оқу залдары, аудиториялары мен кабинеттеріндегі қызметтік компьютерлерге, LED экрандарға сыбайлас жемқорлыққа қарсы ақпараттар мен 14-24 call-орталығы туралы баннерлер қойылғанын хабарлады.

ШЕШІМ:

1. ҚР «Сыбайлас жемқорлыққа қарсы іс-қимыл туралы» Заңының, М.Әуезов атындағы ОҚУ Сыбайлас жемқорлыққа қарсы стандартының, Әдеп кодексі мен Академиялық адалдық қағидаларының нормалары басшылыққа алынсын.

2. Әскери кафедраның барлық взводтарында білім беру процесінде академиялық ашықтық пен айқындық қамтамасыз етілсін.

3. «Сенім телефоны», «14-24» және өзге де кері байланыс арналары әлеуметтік желі парақшалары мен ресми интернет ресурстарға орналастырылсын.

4. Өткізілген іс-шара туралы ақпарат әлеуметтік желі мен ресми ресурстарға орналастырылсын.

5. Мәліметтер назарға алынсын.

**Сыбайлас жемқорлыққа қарсы
комплаенс-қызметінің жетекшісі**

Г.С.Дулатова

Хатшы

Д.Құрасбек